


Video ekskluzive/ 34-vjeçari shpërthen portën e Drejtorisë së Policisë në Elbasan! Arrestohet i riu: U hakmora se policët u sollën keq me mua

Panik në Komisariatin e Elbasanit. Një 34-vjeçar pasi ka goditur një automjet, ka shkatërruar derën e komisarariatit dhe ka kërcënuar me pistoletë me gaz policët. Referuar policisë, **34-vjeçari ishte në gjendje të rënduar psikologjike**. Report Tv ka siguruar videon ku shfaqet momenti kur i riu mësyn me makinë derën e Drejtorisë së Policisë Elbasan.





Redaksia
2 Qershor, 11:55 | Përditësimi i fundit: 3 Qershor, 08:46

Share 126 Tweet

ELBASAN- Panik në Komisariatin e Elbasanit. Një 34-vjeçar pasi ka goditur një automjet në rrugë, ka shkatërruar derën e komisarariatit dhe ka kërcënuar me pistoletë me gaz policët. Report Tv ka siguruar videon ku shfaqet momenti kur i riu mësyn me makinë derën e Drejtorisë së Policisë Elbasan duke goditur një makinë që kishte para dhe se rezikuar jetën e një kalimtar.

Bëhet fjalë për 34 vjeçarin e identifikuar si Bledar Lazareni. Mësohet se Lazareni, pasi ka hyrë në oborr, ka dalë nga mjeti i tij tip "Toyota" me një pistoletë me gaz në dorë, duke bërë lëvizje të pakontrolluara. Pavarësisht thirrjeve të policisë, 34-vjeçari nuk u është bindur urdhrat të efektiveve duke bërë që ata të ndërhyjnë dhe ta neutralizojnë disa minuta më vonë. Sipas gazetarit Arsen Rusta, e gjitha ishte një hakmarije nga i riu, pasi disa ditë më parë ai është shoqëruar në polici pa kartë identiteti, dhe është shprehur se është trajtuar keq nga policët.

LEXO EDHE:
Skema opozitare për të gjobitur bizneset e mëdha: Basha hedh në sulm ish-deputetin Luçiano Boçi



Bledar Lazareni

"Rreth orës 11:00, shtetasi B. L., 34 vjeç, banues në Elbasan, dyshohet në gjendje të rënduar psikologjike, duke drejtuar mjetin tip "Toyota", ka goditur portën hyrëse të DVP Elbasan dhe ka hyrë në oborrin e DVP-së, duke mos iu bindur urdhrat për të ndaluar të dhënë nga punonjësi i Policisë që kryente shërbim në hyrje të DVP-së. Ky shtetas, pasi ka hyrë në oborr, ka dalë nga mjeti me një pistoletë me gaz në dorë, duke bërë lëvizje të pakontrolluara, por është neutralizuar dhe prangosur menjëherë nga shërbimet e Policisë. Specialistët për Hetimin e Krimit dhe grupi hetimor po vijojnë veprimet për sqarimin e rrethanave të ngjarjes", njofton policia.

